



Broj : 09/1 \_\_\_\_/18  
Kakanj, \_\_\_\_\_2018. godine

### GODIŠNJI IZVJEŠTAJ

#### *o realizaciji programa sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2017. godini*

Općinsko vijeće Kakanj na 4 sjednici, održanoj 02.02.2017. godine, usvojilo je Program rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2017. godini

Shodno navedenom programu izvršena je realizacija sredstava kako je prikazano u tabeli:

1	2	3	4
<i>OPIS RASHODA</i>	<i>PLANIRANA SREDSTVA U 2017.g.</i>	<i>UTROŠENA SREDSTVA</i>	<i>NEUTROŠENA SREDSTVA</i>
<i>Rad mehanizacije i nabavka drenažnih cijevi potrebnih za poduzimanje palijativnih mjera na klizištima i na uređenju vodotoka</i>	<i>41.738,00</i>	<i>34.447,14</i>	<i>7.290,86</i>
<i>Pomoć za sanaciju kanalizacione mreže u naselju D.Brdo</i>	<i>1.000,00</i>	<i>1.000,00</i>	<i>0,00</i>
<i>Izrada oznaka upozorenja i obavjesti građanima</i>	<i>3.000,00</i>	<i>2.750,00</i>	<i>250,00</i>
<i>Takmičenje radio amatera iz Radio kluba Kakanj</i>	<i>500,00</i>	<i>500,00</i>	<i>0,00</i>
<b><i>UKUPNO</i></b>	<b><i>46.238,00</i></b>	<b><i>38.697,14</i></b>	<b><i>7.540,86</i></b>

Sredstva su namjenski utrošena, u skladu sa donesenim Programom, s ciljem provođenja preventivnih mjera a u cilju smanjenja rizika i ublažavanja posljedica.

**POMOĆNIK OPĆINSKOG NAČELNIKA**  
**Službe civilne zaštite**

Nurudin Hrusto

## **PRAVNI OSNOV**

Na osnovu tačke V. i tačke XIII. stav 3. podtačka 3). Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12) i tački II. stav 1. i 2., III. stav 3., IV. stav 3. i V. stav 2. Odluke o izmjenama i dopunama Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 80/13), a u skladu sa članom 180. stav 6. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), utvrđeni su uslovi i načini korištenja sredstava posebne naknade, a posebno kroz Program raspodjele i korištenje sredstava posebne naknade namijenjenih za provođenje preventivnih mjera zaštite i projekata uz prethodno pribavljeno mišljenje Općinskog štaba Civilne zaštite Kakanj, a isti je usvojilo Općinsko vijeće Kakanj na 4. sjednici, održanoj 02.02.2017. godine

Na osnovu tačke XIV. stav 1. podtačka 3) i stav 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12) navodi se da o prikupljanju, raspodjeli i korištenju sredstava posebne naknade podnosi se godišnji izvještaj.

U cilju namjenskog i transparentnog utroška sredstava posebne naknade, sačinjen je i realizovan navedeni Program raspodjele i utroška sredstava posebne naknade namijenjenih za provođenje preventivnih mjera zaštite i projekata za 2017.godinu, shodno navedenoj Odluci, njenim izmjenama i dopunama.

## **OBRAZLOŽENJE PO POJEDINAČNIM UTROŠCIMA**

### **1. RAD MEHANIZACIJE I NABAVKA DRENAŽNIH CIJEVI POTREBNIH ZA PODUZIMANJE PALIJATIVNIH MJERA NA KLIZIŠTIMA I NA UREĐENJU VODOTOKA**

U skladu sa Programom rasporeda sredstava ostvarenih po osnovu posebnih naknada za zaštitu i spašavanje predviđenih za provođenje preventivnih mjera, te u skladu sa Planom javnih nabavki za 2017. godinu, ova Služba je izvršila proceduru izbora najpovoljnijeg izvođača radova na poduzimanju palijativnih mjera, te nakon toga pristupila realizaciji zadatka. Provođenjem postupka JN izabran je izvođač radova Trgošped d.o.o. Kakanj.

U saradnji sa Predsjednicima Savjeta MZ na području Općine Kakanj, te u skladu sa prioritetima utvrđenim u proteklom periodu sačinjen je Plan rasporeda građevinskog materijala i građevinske mašine bagera. Težište je dato na sanaciji klizišta koja ugrožavaju stambene objekte putem regulisanja odvodnje oborinskih i otpadnih voda koje prihranjuju klizišta i negativno utiču na ista, kao i stvaranje povoljnih uslova za život i rad ugroženog stanovništva na lokalitetima gdje je došlo do pojave klizišta. Odvodnja oborinskih i



podzemnih voda uglavnom je rađena u saradnji sa stanovništvom na način da se rasporedi i odveze potrebna količina drenažnih cijevi uz obavezu vlasnika parcele da iste ugradi.

Građevinska mašina bager i kamion kiper uglavnom su korišteni za iskop kanala za izradu drenaže, uklanjanje dijelova klizne površine koja je sprečavala prohodnost puteva i uklanjanje urušenih stambenih objekata koji su oštećeni u toku prirodne nesreće 2014. godine. Svi izvedeni radovi rađeni su u saradnji sa mještanima i predstavnicima Savjeta MZ na području Općine Kakanj. Za svaku planiranu pojedinačnu aktivnost donesena je Odluka o raspoređivanju materijala ili mašine.

Ukupan iznos sredstava utrošenih za pomenute aktivnosti je **34.447,14 KM**.

Prilog ovog Izvještaja je i tabelarni Pregled rasporeda materijala i rada građevinske mašine po lokalitetima.

## ***2. POMOĆ ZA SANACIJU KANALIZACIONE MREŽE U NASELJU DUBOVO BRDO***

Na osnovu zahtjeva MZ Dubovo Brdo, a u cilju sprečavanja nastanka neželjenih posljedica po infrastrukturne i druge objekte u pomenutom naselju, odobrena je novčana pomoć za kupovinu kanalizacionih cijevi za dovršetak započetog sistema. Otpadne vode iz pomenutog sistema prihranjivale su već postojeće klizište ispod naselja i time pospješivale klizanje.

## ***3. SUFINANSIRANJE TAKMIČENJA RADIO AMATERA ČLANOVA RADIO KLUBA KAKANJ***

U cilju uspješne realizacije aktivnosti takmičenja radio amatera radio kluba Kakanj, odobrena je novčana pomoć za prevoz učesnika na takmičenju u iznosu 500,00 KM.

Pomoć je odobrena iz razloga jer je udruženje Radio klub Kakanj od posebnog značaja za sistem zaštite i spašavanja, te kao takav zahtjeva stručno usavršavanje i obučavanje članova.

***S poštovanjem!***



**Bosna i Hercegovina  
Federacija Bosne i Hercegovine  
Zeničko-dobojski kanton**

---

**OPĆINA KAKANJ**  
*Služba civilne zaštite*



**Bosnia and Herzegovina  
Federation of Bosnia and Herzegovina  
Zenica-Doboj Canton**

---

**MUNICIPALITY OF KAKANJ**  
*Civil Protection*



A: Ulica branilaca

T: 032 771 829

F: 032 550 160

W: [kakanj.gov.ba](http://kakanj.gov.ba)

E: [opcinaka@bih.net.ba](mailto:opcinaka@bih.net.ba)